



ქობულეთის მუნიციპალიტეტის საკრებულოს თავმჯდომარის

ბ რ ძ ა ნ ე ბ ა N 01-17/7

27/03/2017

7-01-17-4-201703271546



ქ.ქობულეთი

ზაურ გორგილაძისა და ანტონ მერკულაძის

მოთხოვნის დაკმაყოფილებაზე უარის თქმის თაობაზე

ბათუმის საქალაქო სასამართლოს 2015 წლის 21 მაისის N3-363 გადაწყვეტილების აღსრულების მიზნით, რომლითაც ქობულეთის მუნიციპალიტეტის საკრებულოს დაევალა საქმისათვის არსებითი მნიშვნელობის მქონე გარემოებების სრულყოფილი გამოკვლევისა და შეფასების შემდეგ გამოსცეს შესაბამისი ადმინისტრაციული-სამართლებრივი აქტი ზაურ გორგილაძის და ანტონ მერკულაძის კომპენსაციის გაცემის შესახებ ქობულეთის მუნიციპალიტეტის საკრებულოს თავმჯდომარის 2017 წლის 09 თებერვლის N01-17/2 ბრძანებით დაიწყო ადმინისტრაციული წარმოება.

2017 წლის 10 მარტს გაიმართა ზეპირი მოსმენა (სხდომის ოქმი N1), სადაც ადმინისტრაციული წარმოების განმახორციელებელი პირები მივიდნენ იმ დასკვნამდე, რომ მოთხოვნა არ დაკმაყოფილდეს შემდეგი სამართლებრივი და ფაქტობრივი გარემოებების გამო:

1. დათვალიერების აქტით აღნიშნულ მიწის ნაკვეთზე სარგებლობის ფაქტი არ დგინდება, რადგან მითითებული ტერიტორიის ნაწილზე უკვე გადის შემოვლითი გზა, ხოლო დანარჩენ ნაწილზე არ ჩანს ნაკვეთით სარგებლობის ფაქტები, კერძოდ არ არის ფიქსირებული საზღვრები ან მისი არსებობის რაიმე ნიშნები, ტერიტორია დაფარულია სარეველებით, უმეტესი ნაწილი დაჭაობებულია.

2. მოწმეთა და დაინტერესებული პირთა ჩვენებები არის ურთიერთ გამომრიცხავი და ვერ მიიჩნევა სარწმუნოდ.

3. საარქივო ცნობები ვერ ადასტურებს ბოლო პერიოდისთვის სადაო ნაკვეთის სარგებლობის ფაქტს.



საქართველოს მთავრობის 2011 წლის 1 მარტის N494 და 2011 წლის 12 აპრილის N801 განკარგულებების შესაბამისად, მიწების სარებილიტაციო და სხვა ხარჯების კომპენსაცია უნდა განხორციელდეს თვითნებურ სარგებლობაში არსებულ დაურეგისტრირებელ და უკვე გამოსყიდულ მიწის ფართობებზე.

მოცემულ საქმეში ვერ იქნა დადგენილი მოქალაქეების ზაურ გორგილაძისა და ანტონ მერკულაძის მიერ მოცემული ტერიტორიის სარგებლობის ფაქტი.

ყოველივე აღნიშნულიდან გამომდინარე და ქობულეთის მუნიციპალიტეტის საკრებულოში 2017 წლის 10 მარტის გამართული ადმინისტრაციული წარმოების N1 საოქმო გადაწყვეტილების საფუძველზე ვ ბრძანებ:

1. უარი ეთქვას მოქალაქეებს ზაურ გორგილაძეს და ანტონ მერკულაძეს საკომპენსაციო სიაში შეყვანის თაობაზე.

2. ქობულეთის მუნიციპალიტეტის საკრებულოს აპარატმა უზრუნველყოს ბრძანების შესაბამისი პირებისათვის გაცნობა.

3. ბრძანება შეიძლება გასაჩივრდეს ბათუმის საქალაქო სასამართლოში ერთი თვის ვადაში (მისამართი: ქ.ბათუმი, ზუბალაშვილის ქ.N30).

4. ბრძანება ძალაშია ხელმოწერისთანავე.

სულხან ოქროპირიძე



საკრებულოს თავმჯდომარე

ხელმძღვანელობა

